

稍

所交反 瑜俞音 漚烏侯 堯丁侯 厘丁賀 翅施

反

臙必刃 脅虛業 鞬居言 叱齒乙 醯呼兮 仇

音

褊弟音 闡昌演 窻奴侯 祝之右 閱音悅 錚音提 普

反

忽七紅 妖二下 熊雄二 溝古侯 溷

反

鬼上胡 巫無上 軻音歌 嘻上許 颯反 颯反

反

類於割 鎧苦亥 據居御

生經卷第三

定三

西晉三藏竺法護譯

佛說所欣釋經第二十三

聞如是一時佛遊舍衛祇樹給孤獨園與大比丘眾千二百五十人俱所欣釋子多所遊至出入無節所詣門族不可稱計或晨或冥

金樓明刊

或早入冥出於時阿難優陀薄拘盧等合會一處謂所欣釋子曰賢者何為而多行來不知時節何不時出時入所詣之處不自節量所欣釋子尋罵眾賢出鹿獮絆卿等無智擾擾搖動不能自安喧呼惡口卿等懈怠不為眾僧有所興立吾今出入常為眾僧嚴辦所

當卿等能任如是勞乎為諸眾僧有所辦耶勿得謂吾多有事理諸賢多務甚於吾身所欣釋子卿等且復有所合辦知何如吾辦眾僧事時諸比丘同共發意彼時三人言語柔栗威德殊妙依本福行多所獲致過踰於彼所欣釋子鈍愚男子以卒暴使愚駭自用強有所求不得如志有一異天詣長者家得滿大甕若干供養賢者阿難詣他長者以柔栗絆宿德堅強為說經法令其家人歡喜踊躍從得分衛大獲供養隨意所施不強不求時諸比丘往啟佛具說本末佛告諸比丘於此四人不但今世爭功分衛唯有一人所獲薄少餘人得多阿難比丘眾人勸助一人所安往古久遠不可計時於他異土時有四人以為親厚相飲聚會共止一處時有獵師射獵得鹿欲來入城各共議言吾等設計從其獵師當索鹿肉知誰獲多俱即發行一人陳絆出其穢言而自高傲咄卿男子當惠我肉欲

得食之第二人曰惟兄施肉令弟得食第三人曰仁者可愛以肉相與吾思食之第四人曰親厚損肉惟見乞施吾欲食之俱同飢渴時獵師察曰人言辭各隨所言以偈報曰
鄉辭甚麤穢 云何相與肉 其言如刺人 且以角相施

復以偈報第二人曰

此人爲善哉 謂我以為兄 其辭如肢體

便持一脚與

復次以偈報第三人

可愛敬施我 而心懷慈哀 辭言如腹心

便以心肝與

復次以偈報第四人曰

以我爲親厚 其身得同契 此言使善哉

以肉皆相施

於時獵師隨其所志言辭麤細各與肉分於

時天頌曰

一切男子辭 柔粟歸其身 是故莫麤言

衰利不離身

尔時佛告諸比丘第一鹿辭則所欣釋子第二人者毘陀和黎第三黑優陀第四阿難也天說偈者則吾身尔時相遇今亦如是佛說如是莫不歡喜

佛說國王五人經第二十四

聞如是一時佛遊舍衛祇樹給孤獨園與大比丘衆千二百五十人俱尔時諸尊比丘各發心言賢者舍利弗賢者阿那律賢者阿難輸輪及諸弟子五百之衆本俱一時棄家爲道無所貪慕不志世榮悉爲沙門時舍利弗嗟歎智慧最爲第一斷衆狐疑和解閻諍分別道義無所不通如冥中有炬火多所照曜時阿那律嗟歎巧便爲衆人匠多所成就現若干術令人喜悅工巧第一於時阿難嗟歎端正色像第一顏貌殊妙見莫不欣衆人愛重一切尊敬歎爲佛有三十二相於時輸輪既勤修習未曾有懈嗟歎精進世間無倫又

能入海多所成辦如來世尊現生釋種棄國
 捐王得成佛道端正無比色像第一如星中
 月光明超日體長丈六三十二相八十種好
 其聲八部出萬億音所講說法天龍鬼神人
 物之類各得開解皆得其所佛諸兄弟伯叔
 之子雖各自譽皆歸命佛以為弟子佛之功
 德不可稱限從無數百千億劫積累功德自
 致得佛為一切人示其道路俱往詣佛問其
 本末誰為第一我等聚會各各自歎已之所
 長佛告比丘此諸人等不但今世各自稱譽
 常歎已身第一無雙前世亦然生生所歸皆
 伏吾所吾尊無極所以者何乃往過去無數
 久遠世時有一國王名曰大船國土廣大群
 寮大臣普亦具足其上豐熟人民熾盛王有
 五子第一智慧第二工巧第三端正第四精
 進第五福德各自嗟歎已之所長其智慧者
 嗟嘆智慧天下第一以偈頌曰
 智慧最第一 能決眾狐疑 分別難解義

和解久怨結 能以權方便 令人得其所
 眾庶觀歡喜 悉共等稱譽
 第二者嗟歎工巧以偈頌曰
 工巧有技術 多所能成就 機關作木人
 政能似人形 舉動而屈伸 觀者莫不欣
 皆共歸遺之 所技可依因
 第三人嗟歎端正以偈頌曰
 端正最第一 色像難比倫 眾人觀顏貌
 遠近莫不聞 皆來尊敬之 慎事普慇勤
 家人奉若天 如日出浮雲
 第四人嗟歎精進以偈頌曰
 精進為第一 精進入大海 能越諸患難
 多致珍寶財 勇猛多所能 由是無所礙
 家業皆成辦 親里敬欣戴
 第五人嗟歎福德以偈頌曰
 福德為第一 所在得自然 富樂無有極
 生生為福田 福為天帝釋 梵天轉輪王
 亦得成佛道 具足道法王

定三

四

各各自說已之所長各謂第一無能使者各
自立意不相爲伏轉相謂言吾等各當自試
功德現丈夫之相遠遊諸國詣他土地介乃
別知傑異之德誰爲第一時智慧者入他國
土推問其國人民善惡穀米貴賤豪富下劣
聞其國中有兩長者豪富難及舊共親親中
共相失衆人構叛鬪使成怨積有年歲無能
和解者其智慧者設權方便賣好饋遺百種
飲食詣長者門求索奉現長者即見進其所
賣饋遺之具以其長者名辭謝問訊前者相
失以意不及衆人構叛遂成怨結積年違曠
不得言會思一侍面叙其辛苦故遣飲食饋
遺之物惟見納受無見譏貴亦無父怨母讎
故遣吾來以相喻意其長者聞欣然大悅吾
欲和解其日久矣但無親親以相喻意乃復
辱信枉屈相喻誠非所望同念厚意便順來
旨不敢違命其智慧者解長者意懽然無疑
辭出而退詣第二長者亦復如是解喻其意

如前所言便共剋期共會某處聚合衆人和
解仇怨應時醺飲作諸伎樂共相娛樂各各
相問本末和解意乃知此人以善權和解兩
怨令親如故各自念言吾久相失一國中人不
相和解乃使此人遠來相聞和解其恩難
量非辭所盡各出百千兩金而奉遺之即持

定三

五

此寶與諸兄弟以偈頌曰

言辭所具足 辯能造經典 正士能博聞

安隱至究竟 觀我以智慧 致此若干寶

衣食自具足 井及布施人

時第二工巧者轉行至他國應時國王喜諸

伎術即以材木作機關木人形貌端正生人

無異衣服顏色黠慧無比能工歌舞舉動如

人辭言我子生若干年國中恭敬多所饋遺

國王聞之命使作伎王及夫人外闈而觀作

伎歌舞若干方便跪拜進止勝於生人王及

夫人歡喜無量便角眇眼色視夫人王遙見

之心懷忿怒促勅侍者斬其頭來何以眇眼

視吾夫人謂有惡意色視不疑其父啼泣淚
 出數行長跪請命吾有一子甚重愛之坐起
 進退以解憂思愚意不及有是失耳假使殺
 者我共當死惟以加哀原其罪豐時王恚甚
 不肯聽之復白王言若不活者願自手殺勿
 使餘人王便可之則校一肩楔機閔解落碎散
 在地王乃驚愕吾身云可瞋於材木此人工
 巧天下無雙作此機閔三百六十節勝於生
 人即以賞賜億萬兩金即持食出與諸兄弟
 令飲食之以偈頌曰
 觀此工巧者 多所而成就 機閔為木人
 過踰於生者 歌儻現妓樂 令尊者歡喜
 得賞若干寶 誰為最第一

此寶已與諸兄弟以偈頌曰
 善哉色如華 端正顏貌足 女人所尊敬
 又得常安隱 衆人所觀察 猶如星中月
 今致若干寶 自食并施人
 第四精進者轉詣他國到一江邊見一栴檀
 樹隨流來下脫衣入水泗截接取國王家急
 求栴檀即載送上數斤得百萬琦異之寶不
 可稱計與諸兄弟以偈頌曰
 精進最第一 勇猛能入海 致於衆珍寶
 以給家親屬 賴我淨江水 接得妙栴檀
 致金若干數 自食及施人
 第五福德者轉詣大國時天暑熱卧于樹下
 日時映中餘樹蔭移此人所卧樹蔭不動威
 神巍巍端正姝好猶如日月彼國王薨無有
 太子可嗣立者衆人議言當求賢士以為國
 主募人四出選擇國內可應立者使者案行
 見一樹下有此一人於世希有卧於樹下樹
 蔭不移心自念言此非凡人應為國主尋往

徧啓國之大臣具說本末於時群臣即嚴威儀導從騎乘印綬冠幘車駕衣服則往奉迎洗沐塗香衣冠被服佩帶畢訖皆拜謁稱臣昇車入宮南面立詔國即太平風雨時節即令勅外詔有四人一者智慧二者工巧三者端正四者精進召至中閣一時俱集令作侍衛時福德王以偈頌曰

有福德德者 得為天帝釋 帝王轉輪王

亦得為梵王 智慧及工巧 端正并精進

皆詣福德門 侍立為臣僕

時福德王遂以高位署諸兄弟各令得所佛

告諸比丘定三爾時智慧者則舍利弗是工巧者七

則阿那律是端正者則阿難是精進者則輸

輪尼福德者吾身是此等定三爾時各自稱歎已

之所長以為第一於今亦然此等定三爾時皆不

如吾而各自嗟歎吾成佛道三界之尊今皆

歸吾以為弟子依佛得度佛說如是莫不歡

喜

佛說蠱狐鳥經第二十五

聞如是一時佛遊舍衛祇樹給孤獨園與大比丘眾千二百五十人俱定三爾時佛告諸比丘調達凶危橫見嗟歎者不得其理拘迦利比丘嗟歎調達調達亦復歎拘迦利比丘其彼二人橫相嗟歎無義無理諸比丘聞往白世尊唯然大聖觀拘迦利比丘因依正典緣法律教以信出家而為沙門橫歎調達以非為是不得義理又被調達嗟歎拘迦利比丘以非為是以是為非佛告諸比丘今此輩愚駘之等不但今世橫相嗟歎以非為是以是為非前世亦然乃往過去久遠世時黃門命過親里即取棄擲樹間彼時蠱狐鳥來食其肉時共相嗟歎樹間鳥為狐說偈曰君體如師子 其頭如仙人 脂猶鹿中王 善哉如好華 於時蠱狐即於樹間以偈讚曰誰尊在樹上 其慧第一最 其明照十方

如積紫磨金

於時烏以偈報頌曰

君則大師子

欲見君故來

君脂如鹿王

善哉得利義

蠱狐復以偈報頌曰

誠信實相知

俱相歎至誠

合積紫磨金

所問服食此

介時去彼不遠有大仙人處於閑居淨修爲

道聞狐及烏轉共相譽心自念言彼等之類

橫相咨嗟彼言皆虛無一誠實以偈問曰

吾久見所興

至此俱兩舌

自藏於樹間

俱食於人肉

定三

八

於時烏瞋恚以偈報仙人

師子及孔雀

共食於禽肉

於彼髡滅頭

次第而求活

仙人以偈答曰

樗樹臭下極

一切鳥所惡

衆鹿所依因

棄死黃門身

汝輩下賤物

俱來聚會此

食於黃門身 自稱為上人

佛告諸比丘欲知介時蠱狐者調達是烏者

拘迦利是仙人者則菩薩是介時共俱相歎

以非爲是以是爲非於今亦然

佛說比丘疾病經第二十六

聞如是一時佛遊舍衛祇樹給孤獨園與大

比丘千二百五十人俱時一比丘疾病困篤

獨自一身無有等類無有視者亦無醫藥衣

被飯食不能起居惡露自出身卧其上四向

顧視無來救濟者便自歎息今日吾身無救

無護時阿難見往白佛唯然大聖吾身今日

得未曾有如來世尊大慈大哀有病比丘當

念救濟吾乃往世無數劫時救此比丘疾病

之患今世亦然乃往過去久遠世時於空閑

處多神仙五通學者在彼獨處各各相勸轉

相佐助各各取果以相給足以作籌筭設使

疾病轉相瞻療時有摩納學志有所緩急常

馳走赴趣有一學志若有急緩疾病之厄初

定三

九

不視瞻時彼學志有急緩時無有救者則自
獨立無伴無侶彼於異時身得疾病無療瞻
者亦無持菓授與食者是時五通仙人是彼
和上見之如是心自念言此人孤獨無有救
護心憊念之即往到其所即問之曰摩納學
志卿強健時頗有消息問訊不寧有親厚朋
友乎即時報曰無也和上亦無親厚知識之
友我之父母家屬親里去此大遠又問曰此
梵志共頓一處不與親友結為知識耶荅曰
無也和上荅曰不結親友無有知識以何為
人卿見餘人展轉相敬展轉相事卿獨不也
今日孤獨無有救護於時仙人扶接摩納使
之令坐將詣自所頓與勸之安心將詣親友
而以療治則頌偈曰
棄捨于妻子 出家無所慕 卿和上為父
等類則兄弟 頓與梵志俱 而不相供視
得疾病困篤 孤獨無所依 察子見此已
梵行為親友 普行子恭敬 展轉相瞻視

時佛世尊往詣比丘而問之曰今得疾病有
瞻視醫藥床卧具乎白曰孤獨無瞻視者無
醫無藥去家甚遠離於父母無有兄弟親里
伴侶無供侍者世尊又問卿強健時頗瞻視
問訊有疾者不荅曰不也世尊告曰卿強健
時不瞻視人不問訊疾病誰當瞻視卿乎善
惡有對罪福有報恩生往返義絕希疎佛為
一切三界之救救度五道當捨卿耶前世救
卿今亦當然佛扶起之欲以水洗時天帝聞
佛所言屈伸臂頃忽然來下欲洗浴之佛言
狗翼卿在天上香潔之中安能救洗穢濁臭
處天帝釋荅曰向者世尊說此比丘本不瞻
人不視疾病孤獨無救佛為十方一切之救
功德具足無所之少尚瞻視之況我罪福未
斷而不與福耶時佛手洗天帝水灌還復卧
之飲其醫藥即時除愈為說經法即時得道
世尊以偈讚之曰
人當瞻疾病 問訊諸危厄 善惡有報應
定三 十

如種果獲實 世尊則為父 經法以為母

同學者兄弟 因是而得度

佛說如是莫不歡喜

佛說審裸形子經第二十七

聞如是一時佛遊舍衛祇樹給孤獨園與大

比丘眾千二百五十人俱尔時有國王因梵

志女而生一子名曰至誠外道異學審裸形

子而為作字其裸形子智慧聰明有超異之

慧有所講說多所降伏於諸經典無所不博

普為眾人共其國王博達眾義往詣世尊其

尼捷有四姊弟因梵志生敬樂異學一名鬻

鬻二名與貪三名金誠四名誠雪時裸形子

遣詣佛所欲試世尊皆受法則悉知經誼具

來我說尔時姊弟各相謂言吾等共詣沙門

瞿曇所試其舉動行步進止取其長短便共

往詣棄捐居家悉為沙門受具足戒時佛世

尊以往世踰而開化之導示本源諸根所從

功德之本棄捐貢高除其憍慢皆得羅漢時

裸形子問諸姊弟所試云何諸女則以無央

數誼嗟歎世尊稱譽經典法律之妙不可勝

限時裸形子不受女言汝等以家事往欲試

亂道反為世尊所見攝取迷惑誑詐譬如有

人行入水中洗去垢濁令身淨潔反溺水死

汝等如是欲往試佛壞其道意視所舉動取

其長短反為瞿曇所見迷惑沒溺自失不得

濟已譬如有人行入菓樹欲採好菓反為禽

獸虎狼所食亡身不還汝等如是往試沙門

瞿曇取其法則舉動長短以來語吾而反沒

溺為彼瞿曇所見迷惑譬如虺虺弊蟲凶惡

之人尚可親近可信可樂可致吉祥安隱之

法世尊瞿曇求是功德安隱之誼終不可得

諸女荅曰世尊道德去人四虺取穢之毒令

人安隱寂然虛空尚可取如來世尊未曾

有短男女見之莫不安隱時為我等說微妙

誼咨歎道稱我等歡喜誓首歸命時比丘僧

具足啟佛唯然世尊且觀外學裸形之子有

異語誹謗佛道反譏諸女汝等何故歸命世尊觀其舉動當取長短而來語我反為迷惑沉溺其身不能自濟佛告諸比丘裸形子遣四女人欲來試佛取其長短世尊無取何從取闕佛尋開化皆令得度至無著證乃往古久遠世時有一國王名曰迦隣與他國王結為怨仇欲往壞之即遣四女端正殊妙姿顏無雙而往試之取其長短為內匿賊詣阿脂王許時阿脂王有尊太后端正殊好無不尊敬威神巍巍殊德無量無有瑕穢柔和無穢名稱遠聞安詳柔和迦隣王女嗟歎阿脂王功德世之希有名稱遠聞八方上下莫不宜揚我等父王諱為迦隣故相遣來以相給侍奉在左右我父王辭曰其王德殊微妙難及無有瑕垢安詳不暴忍辱無穢與人語言不辯殊異聞名輒伏我不受言其國屬阿脂王為大國主又國号曰虚空王所止處有一大臣名曰細那聰明智慧聖達難及卒慧尋答

為王輔臣時迦隣王不隨女言棄詣大國細那土界與大眾俱周匝圍遶王問傍臣當奈之何吾自開門而捨去入此他門傍臣對曰無得恐懼天王自安譬如師子處於林間不畏樹木今住於此亦復如是城郭則安得護無患以偈頌曰

定三

十三

以自開其門 反入此國界 阿蘭之大士
如師子林樹 安護而得護 自然無所畏
其欣踊國王 可以長安隱
人健論議其言流溢阿脂王聞其迦隣王以財利故及其名稱發意所趣則歎頌曰此事大佳微妙難量名德流布無有眾惡能堪任法布無於此有所誑詐又問曰其此仙人天帝之神皆遊迦隣國界威神廣大彼聞我德即當得勝其迦隣王便當破壞而自降伏時阿脂王心自念曰彼諸仙人終不妄語諸仙人曰吾當得勝功德無量所說如此諸臣報曰唯然大王仙人至誠終不虛言以偈頌曰

諸迦隣得勝 緣是而降伏 阿脂王失計
 仙人說如是 善哉言質直 所興無所失
 以故說此言 自然有聲音 天王當知之
 言至誠于斯 所行無放逸 而當得勝去
 又言阿脂王 而當復得勝 此云何至誠
 更爲我解說

大臣荅曰不曾聞乎失聖仙人剛強難化手
 執利劍像貌可畏丈夫男子以人民故承其
 德本而降伏之不言自歸其阿脂王爲大丈夫
 夫方便校計亦復如是又其眷屬和順承教
 無有異心志不離別所作無上威德巍巍假
 使阿脂王不得勝者今願天王目自觀之以
 王勇猛計策方便權憐難及終不破壞設不
 相信且自目見以偈頌曰
 方策尊雄計 知時強精進 勇猛有憐略
 察此則知勝 阿脂名德忍 開化諸瞋恚
 阿脂王堪任 迦隣焉得勝
 時王不用言興師起兵往詣阿脂國其欣踊

兵大臣輔佐聰明智慧勇猛精進以無上心
 和不離別又阿脂王身自勇健其力聖強應
 時得勝迦隣王迦隣王伏自歸謁拜生捕收
 攝尋便放火於是天帝釋以偈頌曰
 賢聖歎忍辱 開化諸瞋恚 降伏迦隣王
 阿脂王獨勝

佛告諸比丘欲知時迦隣王者審裸形子是
 阿脂王者則我身是欣踊大臣則舍利弗是
 帝釋者阿難是亦時相隨以爲伴黨義理相
 化上下相承今亦如是佛說如是莫不歡喜
 佛說腹使經第二十八

聞如是一時佛遊舍衛祇樹給孤獨園與大
 比丘衆千二百五十人俱亦時其國米穀踊
 貴人民飢餓佛諸比丘各欲散流去遊諸國
 以爲歲節賢者阿難博聞多智於法無厭辯
 才無礙佛所說經爲無數人護受經典精進
 難及心自念言假使世尊詣於餘國而造歲節
 處於他域無央數人夫其德本坐具無所乏

少假使如來止此舍衛而為歲節多所安隱
為成德本於時世尊愍傷群黎欲救護之入
舍衛城波斯匿王傍臣人民往詣國王阿難
自往說此本末王波斯匿聞阿難言請佛三
月及比丘眾若干種饌飲食具足病瘦給藥
一切所安隨其所樂如是三月無所乏少佛

比丘眾舍衛歲節時諸比丘心自念言賢者
阿難功德難及得未曾有行權知時曉了誼
理勸化國王波斯匿王供養世尊及比丘眾
歲節三月皆令安隱令比丘眾九十日中無
有憂慮一切施安所供無乏令比丘眾各自
安隱不復遊馳至於他國時佛徹聽聞諸比

丘共議此事尋即往到比丘眾所汝等向者
何所講論諸比丘眾具足本末啓白如來佛
告比丘賢者阿難非但今世行權知時前世
亦然行權方便乃去往古久遠世時波羅奈
國時有王名梵達王有大德名稱遠聞時國
飢饉米穀踊貴人民飢餓乞者眾多無以可

供王喜施與四面來乞集如浮雲十方皆至
隨力所任而供給之布施如是無有休息穀
米遂貴天轉旱酷不復降雨所種不收人民
飢困乞者日滋詣王宮門倉庫虛竭時諸臣
吏各共議言今此國王敢來乞者尋即施與
不能逆人天旱不雨乞者遂甚米穀踊貴舍

庫虛盡將欲壞國時諸大臣欲救護國往詣
王所具足為王啓說此議王所施與今可省
息於法可依須後豐有尔乃復施王告之曰
吾所施與不能懈止寡人有令志願布施焉
違本心又來求者何忍逆之其不來者乃無
所施時諸群臣各共誼言吾等於宜當共作

計令諸窮士不得令來乞尔乃斷耳於時王
施未曾懈廢心自願言令諸倉穀莫使消滅
時諸法明吏告勅四遠不得令往從王乞凶
敢有乞者皆受誅罰棄命都市四遠乞者來
詣其國聞此急教不敢行乞不得見王愁憂
懊惱問諸大臣審有是命又問父母實有急

定三

十四

定三

十五

教不得乞乎答曰有之不得行乞乞者又問
 假令遠方有諸使吏東西南北皆足廩價穀
 糧飲食今此臣吏獨欲飲食故出教勅諸四
 遠貧窮乞士不得詣門從王乞勾假使乞者
 罪皆應死惟遠方使得見食廩展轉相語衆
 人皆知諸臣所建非王所為有一梵志飢窮
 經日欲行乞勾以救其命徧行求索給足妻
 子假使穀賤乞勾易得所獲無量設穀踊貴
 乞勾難獲馳走乞勾無所不至裁得活命心
 懷憂悴不可復言其婦於時謂梵志言汝遭
 勤苦乞勾遇患無所不至而不能得何不詣
 王從其乞勾本聞國王敢有乞者不逆人意
 梵志荅婦汝不聞耶國王有令不得令人詣
 王乞勾惟遠方使乃得進見給其廩價餘人
 乞者必當見斬梵志荅婦我身今日欲得求
 安反見危害既依仰他復見毀辱其婦荅曰
 如諸臣吏告勅四遠惟遠使得前不聽餘人
 卿欲安隱何不作使可介言耳食乃可得於

時梵志即受婦言執杖奉使著奉使冠詣王
 宮門門吏曰子所從來荅曰從遠使來門吏
 白王啓其本末即時現之子所從來今十六
 國穀米踊貴各自守界何從自致從何國來
 吏具問是已梵志荅曰聞服王德故被使來
 吏又問曰於是國界見彼國耶村落墟聚足
 可達知假使為已惟願天王獨為已者所求
 易得欲見大王故來求現門吏問之其對如
 是王曰現之梵志即入王問之曰為誰使來
 梵志對曰求不恐懼若見聽許乃敢啓王說
 所使來王告之曰便具自說原除恐難王又
 問言誰為使來梵志啓曰大王欲知之我腹
 使來於時梵志即說頌曰

衆人求財利	或遇諸怨賊	我為腹使來
國主惟原恕	誰為最尊勢	誰其第一先
我實為腹使	大王勿罪責	諸佛及緣覺
聲聞聖弟子	捨置寂然處	入城聚落乞
窮厄無所依	生身遭苦患	今我為腹使

定三

十六

惟人尊見恕

於時王愍傷之則以偈報梵志曰

梵志當施卿 赤牒牛千頭 及與犢子俱

焉得不惠使 吾為諸使者 給與所飢乏

為使者作使 加施無恐懼

佛告諸比丘欲知今時梵志者阿難是也梵

達王者波斯匿王是今時阿難開化令悅戴

仰無量於是阿難今世在國復化波斯匿王

穀米飢饉供養世尊及比丘眾三月之中無

所乏少是故比丘當學善言柔和之辭當作

巧辭方便之語是諸佛教佛說如是莫不歡

喜

佛說弟子過命經第二十九

聞如是一時佛遊舍衛祇樹給孤獨園與大

比丘眾千二百五十人俱今時異比丘有弟

子志性溫雅功德殊異意行仁賢至誠安隱

身常侍從宿衛和上恭順良謹精進難及順

從法教不違師命於時短命宿世所種其壽

薄少幼小亡歿即生天上在忉利宮適生天

上則觀天上不久堅固但觀大火吾本所志

不得如意不至究竟與善師友不能相守今

捨善師友隨惡友於是遠遠至尊和上及阿

夷梨眾諸等類修梵行者四輩弟子比丘比

丘尼清信士清信女有佛世尊普一切智其

定三

七

慧徧見号曰如來至真正等覺今悉遠遠大

聖世尊和上師友及諸同學無央數劫百千

之數難值難見興于世間不可得遇講說經

典深妙優與難限未曾所念口不發言而為

安隱皆開化之分別智慧說諸緣起各各解

了所從有因無央數劫所未聞見悉為解決

吾本遭遇和上可值此經典法律棄家為道

得作沙門不至超異如是等類所當興立不

得究竟今反當為放逸行乎今吾寧可先詣

世尊諮受經義則自曉責感傷已身即以其

夜威神光光明徹遠照往詣世尊瞽首足下

却任一面佛見其心真正樂道純淑在法為

說四諦苦集盡道即見四諦於是世尊如其本根而為分別得至果證歡喜踊躍受其嚴戒誓首佛足右連三帀已忽然不現於時和尚心念弟子功德性行愁憂感結泣涕雨淚不能自解等類諫喻不能究思於時比丘往啓世尊世尊告曰呼比丘來問之比丘何為憂惱不能自解比丘白曰弟子歿歿佛言何故愁憂不能自解比丘白曰唯然世尊我彼弟子甚大良謹仁賢溫雅名德難量未有究竟而中天歿以故憂悵不能自寬佛告比丘勿復愁憂所以者何卿之弟子已至究竟得生天上今日夜半來至佛所威神巍巍光明遠照誓首足下却住一面吾為天子講說經法具足廣普分別聖諦於是天子即於座上成至聖法佛為比丘說此本末即時歡喜除其愁憂不復涕泣於時世尊教彼比丘除憂惱迷根諸比丘各心念言得未曾有大聖世尊以無上法藥療此比丘憂惱之患於彼弟

子疾病命過愁憂懊惱無能解者見佛世尊衆患皆除真為如來至真等正覺於億千劫歌頌佛德不可窮盡佛時遙聞諸比丘衆共議此事佛即往詣告諸比丘向者共會為何所論比丘白佛唯然世尊向者共會歎佛功德聖尊無極度諸未度脫諸未脫滅諸未滅定三療治一切姪怒癡患為無上醫常以法藥療諸心病向者蠲除比丘憂患以是踊躍不能自勝佛告諸比丘如汝所云今此比丘見弟子終愁憂感結不能自解獨佛世尊前世宿命亦復如是乃去往古久遠世時有異閑居一象生子墮地未父其母歿去彼不遠仙人所處有上威神功德具足志懷大哀遙見象子其母命歿裁能舉足東西遊伴不能自活即時扶將詣所止頓飲之以水將果飼之彼時象子仁和賢善功德殊妙樂于義理冀得安隱無有憂患除諸衆惱於時仙人卧起同處身形轉長衣毛鮮澤則以水漿供養仙

人其好菓菰然後自食往反慤勤奉侍不懈
 彼時仙人慤哀象子觀其德行愛之如子視
 之無厭敬之無極時天帝釋則時發念今此
 仙人志在象子猗念無厭今我寧可別令愁
 感時帝釋示現試之化使象子忽然死地而血
 流離仙人見之象子死亡愁憂叵言涕泣橫
 流不能自解餘仙人聞來諫曉之不能除憂
 不復食飲時天帝釋自以其身住在虛空即
 為仙人而說偈曰
 仁者已棄家 至此無眷屬 諸仙人之法
 憂死非善哉 假使悲涕泣 能令死者生
 皆當聚憫泣 假啼哭不活 已習共頓止
 而與象子俱 則有慤恩情 不得不愁憂
 死人哭於死 其有啼哭者 明智不懷憂
 仙人慧何啼 時天帝釋令其仙人懷憂惱已即令象子使
 活如故於時仙人見象子尋大踊躍不能自
 勝不復愁憂天帝釋即尋為仙人而說頌曰

以拔卿憂惱 心所懷愁感 於今仁無患
 而除子憂感 令人離愁惱 及一切親屬
 如卿今日歡 見象子起放
 時天帝釋復以偈頌曰
 吾慤傷卿故 欲除諸憂感 故與此因緣
 增益於塵勞 明者曉了斯 恩愛生苦患
 則察其內外 無得興變化
 佛告諸比丘欲知今時仙人者則於今此和
 尚身是時象子者死弟子是天帝釋者則我
 身是也今時相遇今亦如此佛說如是莫不
 歡喜

生經卷第三

鈍徒因 愚駭下語 瞿一耕 獵良軌 傑音燿
渠列 搆叛上古 饋遺下求 瞞飲上於 瞞眼上正
然 郭反 仇怨求 驚愕下吾 泗似 跌徒 給反
豐 許反 近先 楔節 冠憤下音 佩音 殊反 蠱音 狐音 社反

九

定三

野下音胡 樗反 丑居 髮滅上音口 昆反 裸形上音二 郎果胡

養發食 叨鐵 誼音義 虺下音鬼 許諱許貴流溢

下反 爽權 憊息上音巨 反 天 瘦瘦作二同亦 飢饉

上音渠 棧反 旱酷下音何 且反 乞句下音蓋 稟稟

反音特 牛上音字 憂悒下音邑 飼音果 蒞下音郎 猗

音二憫 音敏 生經卷第三 定三 定四

生經卷第四

西晉三藏世法護譯

佛說水牛經第三十

聞如是一時佛遊舍衛祇樹給孤獨園與大比丘眾千二百五十人俱尔時佛告諸比丘乃昔去世有異曠野閑居彼時有水牛王頓止其中遊行食草而飲泉水時水牛王與眾眷屬有所至湊獨在其前顏貌姝好威神魏巍名德超異忍辱和雅行止安詳有一狝猴住在道邊彼見水牛之王與眷屬俱心生忿怒興于嫉妬即便即揚塵瓦石以全擲之輕慢毀辱水牛默然受之不報過去未久更有一

部水牛之王尋從後而來狝猴見之亦復罵詈揚塵瓦石打擲後一部眾見前牛王默然不報効之忍辱其心和悅安詳雅步受其毀辱不以爲恨是等眷屬過去未久有一水牛犢尋從後來隨逐群牛於是狝猴逐之罵詈毀辱輕易見水牛犢懷恨不喜見前等類忍辱不恨亦復學効忍辱和柔去道不遠大叢樹間時有樹神遊居其中見諸水牛雖被毀辱忍而不瞋問水牛王卿等何故觀此狝猴猥見罵詈揚塵瓦石而反忍辱默聲不應此義何趣有何等意又復以偈而問之曰卿等何以故 忍放逸狝猴 過度於凶惡等觀諸苦樂 後來亦仁和 坐起而安詳皆能受忍辱 彼等尋過去 諸角默搥杖建立眾墮落 又示恐懼義 默無加報者水牛報曰以說偈言 以輕毀辱我 必當加施人 彼當加報之尔乃得疾患